



Zot van û

'k Oa 't zitte van den ieste kier
Ik wiste mee maan aage gienen blaaf nemier
Moar ik paasdege da't wel zoe overgoan

Den twiede kier was't were praas
Ik zaa iets tegen û, gaa lachtege, en 'k paaze
Dat de vonke doar echt es overgesloan

Ik kraag û nie mier uit maan huufd
(maan) gedachte huuldegans verduufd
Ik voele maa precies were zestien joar

Ik ben zot van û
Der es iets oas ge kaakt noar maa
Ik voele't over guul maan laaf
Ik ben zot van û
Oas g' iets zegt en oas ge lacht
Tons wete'k ik ben stoapelzot van û

Verre genoeg van huis beland
Gaa paktege maan hand
En 'k wiste: der es giene wig terug

Hoelang' goa 't dure, 'k wete't nie
Veur maan poart een eeuwigheid of twieje
Want ûwe mond es den allerzoetsten drug

Ik kraag û nie mier uit maan huufd
(maan) gedachte huuldegans verduufd
Ik voele maa precies were zestien joar

Ik ben zot van û
Der es iets oas ge kaakt noar maa
Ik voele't over guul maan laaf
Ik ben zot van û
Oas g' iets zegt en oas ge lacht
Tons wete'k ik ben stoapelzot van û

Zoe't al in de sterre stoan
Dure't lang' of es't rap gedoan
'k hope 't ieste want ik ben echt wel zot van û